

Котькудзэ бусы ужеэ умой организовать кароно

Фронтлы юрттыны колхозной крестьянство вань кужымзэ сэтэ, сд понна, чтобы снабдить кароны, странаез но доблестной Красной Армии сельхозпродуктаосын. Со понна бусысь юзэ, одиг тысь но ыштытэк, вакчи дыр куспын октыса быдтоно.

Вань машинаосты озы уже кутано, чтобы уй но, нунал но соос мед кутсалозы. Кутсаськон итым'ес, липет'ес ву виянтэм луыны кулэ. Куазь зорон нунал'есы но машиналы тэк сылыны эрик сэтоно өвёл, дугдылытэк кутсаськоно.

Колхоз'есысь но МТС-ёсысь весь кутсаськон машинаоссэс уже кутыса, каждой часэз дун'яса, ужен тырмытоно, побоевому колхозниклэсь ужзэ пуктоно. Вань лэсьтэм липет'ес эшшо но эскеремын луыны кулэ на: кытй ке уг тэ ву вия. Кытын нош липет'ес, сарай'ес тырмымон өвёл на, али но лэсьтылоно.

Бусысь ю люкаса но липет'ес улэ ворттыса быдтэмын мед луоз, зоро нунал'есы кутсаськон понна.

Туэ арын районьсыттымы тросэз колхоз'ес кылем арынлэсь ю-нянез бусысь умоен но жог окто.

Сентябрьлэн нырысь нунал'есаз ик аранзэс быдтйзы „Горд кизили“, „Идеал“, „Сильво“, „Заря“, „Новое земледелье“ колхоз'ес. Та колхоз'есын ик кабан люкан но кутсаськон умой организовать каремын. „Горд кизили“ колхоз государстволы ю тыронзэ но быдэстйз ни.

Нош куд-ог колхоз'ес Киварской сельсоветысь „Сятедь“, „Гондырвай“, „Удмурт“, „Большевик“ но Кыквинской сельсоветысь колхоз'ес комбайн'ес, аран машинаос но кутсан машинаос луыса но кутсаськонэз организовать өз каре. Та че ляб ужеэ адзыса, нокинлэн но кытыз уз чида огноры гинэ учкыны.

Та часэ ик, та минутэ ик ваньмызлы колхозлы военной сюресэ ужеэ пуктоно. Тилесытэ, колхозник'ес но колхозницаос, уждэс адзыса, асьмелэн родной странама, асьмелэн дуно Красной Армии мед шуоз: „Вот та уж, вот большевик'ес'я!“

СОВЕТСКОЙ ИНФОРМБЮРОЛЭСЬ

9 сентябре жыт ивортон

9 сентябре асьме войскоосмы противниклы пумит кужмо жугиськон'ес нуизы быдэс фронтын.

Асьмелэн авиацимы шуккет'ес лэсьтылиз противниклэн войскоосыз вылэ но солэн аэродром'есыз вилысь авиацизэ быдтылиз.

7 сентябре омырын жугиськон'ес дыр'я, зенитной артиллерииен ыбылыса но противниклэн аэродром'есыз вылысь 71 немецкой самолет быдтэмын. Асьмелэн 24 самолетмы быремын.

9 сентябре нуназе Москва дорын усыкытэмын 2 немецкой самолет'ес-разведчик'ес.

* * *

Фронтлэн западной направленияз жог но кужмо шуккет лэсьтыса Чижов эшлэн командовать карем улсаз асьмелэн частьесмы уллязы германской войскоослэсь группазэс. Тужгес но кужмо жугиськон'ес мынйзы Чаусы гурт дорын. Старшой лейтенантлэн Гремилэн танковой ротаезлэн юрттэмез улсын красноармеец'ес та гуртэ пыризы но немец'есты урдэс ласянь шуккизы. Гуртысь уллям тушмон, трос калыксэ ышттыса, берлань чигназ. 3 нунал жугиськон'ес дыр'я Чижов полковниклэн соединениез 2500 солдат'есты но офицер'есты быдтйз но пленэ кутйз 312 немецкой солдат'есты. Асьме кие шедизы: 11 орудис, 17 миномет, 41 пулемет, 19 автомат, 97 автомашина, 16 мотоцикл, 109 велосипед.

* * *

10 сентябре чунна ивортон

10 сентябре потон уин асьмелэн войскоосмы противниклы пумит жугиськон'ес нуизы быдэс фронтын.

10 сентябре жыт ивортон

10 сентябре асьме войскоос тушмонлы пумит кужмо жугиськызы быдэс фронтын.

8 сентябре омырын жугиськон'ес дыр'я но тушмонлэн аэродром'есысьтыз быдтэмын 59 немецкой самолет'ес. Асьмелэн 27 самолетмы быремын.

* * *

9 сентябре немецко-фашистской самолет'ес трос пол турттызы Ленинград вылэ налет лэсьтыны, но кутькудаз учыре тушмонлэсь самолет'ессы уллязы асьме авиация но зенитной артиллерилэн ыбылон'есыз. 10 час ёрсын жыт тушмонлэн куд-ог самолет'есыз, туж вылэтй лыктыса, Ленинград доры нуизы но городлэн пөртэм пункт'есыз вылэ куш-

тызы фугасной но зажигательной бомбаоссэс. Тушмонлэн авиациезлэн налет'есыныз сэрэн, улон коркаос жуаны кутскыса, кёня ке тылпуос жутскизы. Тылпуос жог кысэмын вал.

9 сентябре Ленинград котырын но город вадьсын, озы ик тушмонлэн аэродром'есыз вылын асьме авиация но зенитной артиллерия быдтйзы 31 немецкой самолет'есты.

11 сентябре чунна ивортон

11 сентябре потон уин асьмелэн войскоосмы кужмо жугиськызы противниклы пумит быдэс фронтын.

* * *

Одесса дорын румыно-немецкой войскоослы пумит самоотверженно нюрьяське Седебров эшлэн командовать карон полкез. Сы че нунал'ес луыло, ку полк пезыгыт'я противниклэсь трос атакаоссэ. Алигес асьмелэн боец'есмы пезыгытйзы одигетй румынской егерской полклэсь тужлек атакаэ. Румын'ес туж чем колоннаосын лыкто вал асьме позициос вылэ. Тушмонэз матэ лэзыса, солэн азь шеренгаосыз шоры нырысь ик ыбылыны кутскиз пулеметчик Темиров. Со борсы урдэс'ес ласянь но ме чак шуккизы наступать карись противник вылэ мукет'есыз пулеметчик'ес. Атакаез тушмонлы бёрдымон урод йылпум'яськыз. Жугиськон интые кёня ке сю шой'ессэс кельтыса, румын'ес чигназы.

Мукет жугиськонын Седебров эшлэн полкез озы ик умой пезьдэт сётйз 50 танклэн юрттэмез улсын лыктысь бадзым румынской частьлы. Противотанковой артиллерииен, горючиен бутылкаосын но гранатаосын асьмелэн боец'есмы быдтйзы тушмонлэсь кызылэсь но трос танк'ессэ, нош собере, контратакае потыса, румын'есты пезыгытйзы.

12 сентябре жыт ивортон

12 сентябре асьмелэн войскоосмы противниклы пумит жугиськызы быдэс фронтын. Кужмо жугиськон'ес бере асьмелэн войскоосмы Чернигов городэз кельтйзы.

10 сентябре омырын жугиськон'ес дыр'я но противниклэн аэродром'есыз вылысь 53 немецкой самолет быдтэмын. Асьмелэн 32 самолетмы быризы.

* * *

11 сентябре немецко-фашистской авиация трос пол налет лэсьтыны турттылиз Ленинград вылэ но, кутьку сое

улляллязы асьмелэн авиацимы но зенитной артиллеримылэн ыбылем'есыз. Жытазе 11 час ёрсын противниклэн одиг-ог самолет'есыз туж вылэтй лобзыса город вадьсы потйзы но зажигательной, озы ик фугасной бомбаос куазы. Жуаны кутскем ог кёня ке юрт'есысь тылпуос кысэмын вал.

Ленинград дорын но город вадьсын омырын жугиськон'ес дыр'я асьмелэн авиацимы но зенитной артиллеримы 11 сентябре, тырмыт лыд'ямтэ данной'ес'я, быдтйзы 11 немецкой самолет'есты.

13 сентябре чунна ивортон

13 сентябре потон уин асьмелэн войскоосмы противниклы пумит жугиськызы быдэс фронтын,

* * *

Советской пулеметчик'еслэн усто ыбылэменызы фашистской войскоослэн туж трос калыксы быре. Фронтлэн Западной направленияз зенитной усто ыбыло лейтенантлэн Азбукинлэн ротаысьтыз пулеметчик'ес. 9 но 10 сентябре кык нунал кыстыськем жугиськон'есын та рота 400-лэсь трос немецкой солдат'есты быдтйз. Асьмелэн боец'есмы талазы 8 немецкой пулемет'есты но соослы дасям трос патрон'ессэс.

Николаевка селовын жугиськон дыр'я красноармеец Ливанов аслэсьтыз пулеметсэ пуктйз ульча сэргысь из юртэ. Отысен со 60 ёрос немецкой солдат'есты но офицер'есты ыбылиз. Пулеметной расчетлэн командирез младшой сержант Власов аслаз боец'есыныз кышкатэк атаковать кариз немецкой артиллерийской дивизионлэсь штабзэ. Соку соос быдтйзы тушмонлэсь 20-лэсь трос солоат'ессэ но куинь офицер'ессэ.

Прудки гурт вылэ наступать карон дыр'я боец Неманов шодымтэ улсын противниклэн оборонаез шоры пыриз но немецкой огневой точкаос но блиндаж'ес шоры пулеметэныз ыбылыны кутскиз. Фашист'ес, противотанковой пушказэс, крупнокалиберной пулеметсэс но трос боеприпас'ессэс кельтыса, пегизы. Пулеметчик Попов противниклэсь кёня ке огневой точкаоссэ но 40-лэсь трос немецкой солдат'есты но офицер'есты быдтйз.



Действующей Армия

Н-ской часть, Советской Союз- лэн Героезлэн капитанлэн А. А. Красновлэн командовать карем улзас, С. горзлысь фашистской дивизиез улзас но 60 но ятыр танк'эссэс, трос автомашинасты, мотоцик'льёсты, орудиясты быд- тиз.

Советской Союзлэн Героез ка- питан Краснов эш (бурпаласез) но старшой политрук ордононо- сец Оньков эш.

ТАСС-лэн фотохроникаез

Красной Армия понна ужалом

„Комсомолец“ артельын ужасьёс та бадзым отечест- венной война дыр'я куинь пол- лэс кужымсэс йылтыса ужа- ло. Качествоз ужамлэсь вы- лэ жуто, бракен дугдылытэк нюр'ясько.

Трикожажной мастерскойн мастерез Ашихмина А. Я. Со ужасьёсыныз умой кивалтэ.

Пупкова Валентина, Ивано- ва Анна, Перевощикова Пе- лагия, Терентьева Дарья нор- мазэс 120 процентлы быдэс- яло.

Ткацкой мастерскояз мас- терез Ларионова брак лэсь- тытэк бадзым процент сёты- са ужало. Чиркова Мария. Филатова Зоя, Перевощикова Мария но мукет'эсыз. Виль кутэм ужась Квашина Прак- овья Федоровна ужзэ об- разцово выполнять карылэ, брак лэсьтытэк.

Швейной мастерскойн мастерез Шулепова. Умой ужало: Шулепова Е. А. но Квакина А. Г.

„Козино“ колхозлы ю- нянь октонназ юрттыса, Куртеев коммунистлэн звеноез 200 процентлы нормазэ выпол- нять карылэ. Анисимовлэн звеноез 190 процентлы нор- мазэ тырмыт'яз.

Ваньмыз ужасьёс ссбрани- ын пуктызы одиг нунал ужам дунзэс обороналэн фондаз сё- тыны. Со ваньмыз сюрс ма- нет люкаське. Уксё интые товарен сётыны пуктызы. Свитраос 15 штука, рейтуз'- ёс—17, чушкон—41 ваньмыз озы 1001 манетлы луэ.

И. И. Куртеев.

Боец'если шунит дись сетом

Районыстымы колхоз'ёс, Икет шунит диськут дасяло. по колхозник'ёс Красной Ар- мильы шунит диськут дасяло. Титовской сельсоветысь кол- хоз'ёс 60 килограмм ыжгон, 22 пар гынсапег, 50 штука ыжжу но 37 штука кунян ку дасялы. Озы ик пёртэм шу- нит диськут дасяло.

Красной Армильы трос шу- нит диськут сётыса сьось тушмонэз вормыны юрттом. Обеспечить каром асьмелэсь доблестной боец'эсмес вань кулэ лунсь диськутэн.

Отечественной война лэн фронт'есыстыз

Баландин связной

Алексей Баландин — одиг стрелковой батальёнлэн связ- ноез. Одиг командирлэсь ко- сэмзэ мукетызлы вуттыны простой лыкыт уж, адске кадь. Кыче смелость но выдержка фронтын связнойлы кулэ, Ба- ландин, однако, возьматиз.

Зырдты жугиськыку, йё куштэм кадь, пуляос лобзо, ог'я тушмонлэн минаосыз Чашпоттыса пазгысько, Алек- сей Баландин задание басьтиз: пулеметной взводлэн коман- дирез доры вуоно но солы кылын приказ сётоно.

Сик Чашкаетй сюресэз мы- ноно вал. Немецкой автомат- чик'ёс отчы пуксьылллям. Нош приказ вань приказ. От- крытой местаостй кёт пыдэс йылаз кыстиськыса, куестар- ник'ёс пыр бызьса потылыса, Баландин сик дорожь вуиз.

Меңак солэн сюрес вылаз автомат ужаны кутскиз. Кы- дёкынгес кыктэтиез кылысь- кыны од'яз. Соослэсь палэн- ськыны йоныз ой вал. Баландин азыпала мыныз но кызэз умой адзиз, кудаз враг замаскиро- ваться кариськем. Кызлэн кө- нязе ке ул'эсыз каллен гинэ вырзизы. Баландин лач—лач гинэ мертаз но куроқсэ лэзиз. „Кукушка“ муз'ем вылэ сач лэзькиз.

Со дырын кыктэтиез авто- матчик Баландин пала ыбылы- ны кутскиз. Со куара шоры лэзьяз но жог гинэ чалмытс- киз. Баландин каллен гинэ лушкэм отчы нюж кыстись- киз, кытысь али фашистской

пуляос лыктызы. Тани кыктэ- тиез кыз фашистской „кукуш- каен“. Улвайёсыз уг вырзило: автоматчик гундыз. Жокыт вож лыс пушкысь Баландин оружиезлэсь кезь- ыт кистась кемзэ ад- зиз, винтовказэ жог кутиз но ыбиз. Кёс улвайёс тучы- рак вазизы, гып гинэ оружиез муз'ем вылэ усиз, а со бёрсы, мешок кадь, вражеской стре- лок лэзькиз.

Сюрес буш луиз. Баландин пулеметной взводлэн распо- ложениез доры вуиз. Коман- дирлэн приказэз выполнить каремын.

Берлань мукет сюрестй Ба- ландин кошкиз. Чаштырак ва- землы быдэ кылзиськылыз. Кытысь ке пыдлось сикысь автоматлэн урылыса ыбылэ- мез чуз'яськиз. Солэн пуми- таз кадь бордыстыз ик сыче ик вакчи ыбылэм'ёс кылысь- кизы. Собрере нош ик азыло- сез автомат йыггет'яны кут- скиз.

„Сигнал сёто,“ — шодскиз боец. Немец'эслэн сыче фо- кус'ёсы сырысь со кылылыз. Табере Баландин тодэ ин, кы- тысь фашистской молодчик'- ёсты утчано. Огзэ бёрсы му- кетсэ со кык немецкой стре- лок'ёсты быдтыз.

Озы чалмыт связной, Че- лябинской областысь Звери- ноголовской районысь „Звез- да“ колхозысь бывший трак- торист, ас батальёназ быга- тись, кышкасьтэм боец кадь тодмоен луиз. И. Васильев



Действующей Армия

Советской Союзлэн Героез лет- чик-истребитель младшой лейте- нант В. В. Талалихин. Со Москва доры погыны турттысь „Хенкелл- 111“ фашистской бомбардиров- щикез геройски атаковать кариз но протаранить кариз.

Комбайнер'ес чошаткыса ужало

Сосновской МТС-ысь ком- байнер'ес В. Федотов, С. Бех- терев, А. Олин но А. Була- това эш'ёс куспазы соревно- ваться кариськыса ужало. Одиг сезонэз 180 га норма сётэм интые Федотов 200 га быдэстиз. Озы ик мукет'ё- сыз но жоген быдэстозы.

Бакча сионлэсь бадзым доход

Кагановичлэн нимыныз ни- мам колхоз 1941 арын бакча сион'ёсты утылтыны бадзым саклык вис'яз, котькудиз бак- ча сионзы умой удалтэмын.

Тулыс парник'ёсысь вазь сугон 1500 манетлы вузамын вал. Али 0,15 га вылысь 1500 килограмм помидор октэмын ин, 500 килограм'ёс октозы на. 0,5 га вылын кубистаез туж зеч удалтэмын.

Звеновод'ёс Перевозчикова Христина но Перевозчикова Федосия синмаськымон ужез организовать каризы. Лымы быремлэсь азыло ик бакча си- он'ёсты мерттыны дасяськызы. Парник заложить карыса, вож сугон будэтйзы, помидор но кияр мерттызы. Парниксы до- рысь кошкылытэк, бакчама- тызы потатэк, та звеноводка- ос сюлмаськыса ужазы.

Загребин.

Редактор Н. ВАХРУШЕВ.
Издатель РАЙСОВЕТ.

Шарканской РКШ 1941-42 дышет- скон арын колхоз'ёслы дасяло: 10 толэзем курс пыр техник'ёсты- жи- вотновод'ёсты но агротехник'ёсты, озы ик 5 толэзем курс пыр сче- товод'ёсты но пчеловод'ёсты.

Занятиос кутскозы 1941 арын 1-тй октябре. Курс'ёсы кутисько 16 арес- кысен ниосно ныл'ёс. Образованиез 4 классэсь ичи медаз луы.

РКШ Курегуртын луоз. Дирекция



Советской войскоос Иранын. Красной Армилен частьёсыз Гавриз- лэн ульчаосаз.